

REMAJA, ANAK-ANAK MUDA & PENYALAHGUNAAN DADAH

Pembesaran daripada remaja kepada dewasa adalah merupakan masa yang amat penting di mana perasaan ingin mencuba sesuatu yang baru lebih-lebih lagi dengan dadah haram akan bermula.

Dadah-dadah mungkin mempunyai tarikan yang kuat kepada anak-anak muda yang sedang berada di peringkat awal berdikari mereka serta pada masa yang sama mereka mencari identiti mereka sendiri. Anak-anak muda terdedah kepada tarikan dadah kerana beberapa sebab - perasaan ingin tahu mereka, kerana dahagakan pengalaman-pengalaman yang baru, tekanan-tekanan daripada rakan-rakan sebaya, memberontak terhadap ibu atau bapa, kadangkala kurang keyakinan diri dan juga masalah-masalah di dalam mengadakan perhubungan-perhubungan yang pelbagai.

Walaubagaimanapun, remaja di seluruh dunia tidak mempunyai sebab-sebab yang sama mengapa mereka menyalahgunakan dadah.

ANTARA SEBAB-SEBAB MENGAPA ANAK-ANAK MUDA MENGGUNAKAN DADAH:

- Kanak-kanak di jalanan, kanak-kanak yang bekerja, kanak-kanak yang dieksploitasi secara seksual mungkin akan menggunakan dadah untuk menghadapi masalah-masalah tiada pekerjaan, terbiar, keganasan dan penderaan seksual. Di dalam sesetengah kes, dadah digunakan atas sebab-sebab fungsi – untuk membolehkan mereka tidak tidur ketika bekerja, atau untuk tidur, untuk mengurangkan kelaparan, untuk mengurangkan kesakitan fizikal dan emosi.
- Sesetengah anak muda mengambil dadah untuk mengubah perasaan mereka. Seringkali mereka ingin mengubah situasi mereka. Sekiranya mereka kemurungan, mereka ingin gembira. Sekiranya mereka rasa tertekan atau gementar, mereka ingin merasa tenang. Dengan mengambil dadah, mereka seringkali berfikir bahawa mereka boleh menjadi seseorang yang mereka ingini.
- Sesetengah anak muda mengambil dadah untuk mengelak daripada tidur supaya mereka boleh mengulangkaji atau untuk membebaskan diri daripada kehidupan akademik mereka.
- Sesetengah anak muda mengambil dadah kerana mereka ingin menyesuaikan diri dan tidak mahu menjadi hanya seorang di kalangan rakan-rakan sebaya yang tidak melibatkan diri.
- Sesetengah anak muda mengambil dadah kerana mereka rasa bosan. Mereka mengambil dadah untuk mendapatkan keseronokan kerana tiada perkara lain yang menarik minat mereka.
- Sesetengah anak muda dipengaruhi oleh dunia hiburan yang menunjukkan bahawa dadah merupakan sesuatu yang menarik dan bergaya.
- Sesetengah anak muda mengambil dadah kerana mereka berfikir bahawa mereka akan kelihatan seperti orang dewasa.
- Sesetengah anak muda mengambil dadah kerana mereka ingin memberontak. Mereka beralih kepada dadah bukan untuk mereka sendiri, tetapi untuk membuat kenyataan terhadap orang lain, seperti keluarga-keluarga mereka atau masyarakat amnya.
- Sesetengah anak muda mengambil dadah kerana mereka ingin mencuba.